

Jaiak denentzat


Santiago eguna pasata, Elizondoko besten amaiera hurbilago dago. Igandea ailegatu bitartean, baina, lasai egon, bestak ez baitu hutsik egingen. Gaurko ere, egitarau zabala prestatu dute elizondoaarrek. Eguna, ohi bezala, goizeko 9:00etan hasiko da argi soinuaren hotsarekin. Beti bezala, txistulariak eta gaiteroak ibiliko dira karriketan barrena bazterrak alaitzen.

Argi soinuek elizondoaar guztiak esnatu eta jaikiarazi ondoren, goizeko 11:00etan puntuan, erraldoien eta buruhandien konpartsa ariko da. Herriko etxean hasiko dute ibilbidea eta bertatik Paularena enparantzara iritsiko dira. Hemendik, berriz, Santiago, Berekoetxea eta Aita Donostia kaleak eta Diputazio etorbidea zeharkatuko dituzte. Akulegi eta Santiago berriro, herriko etxera itzultzeko.

Buruhandiak eta erraldoiak kalera aterata eta ordu erdi geroago, partidu biziki interesgarria ikusi ahal izanen dute elizondoaarrek eta baztandar guztiak Elizondoko Errebote plazan: Malerreka Baztanen aurka. Malerrekakoa edo Baztangoa ez den irakurleak nekez ulertuko du partidu honen garrantzia, baina ideia izan dezan, Realaren eta Athleticen arteko derbi ikusgarri horietako baten antzeko partidua izanen dela erranen dugu. Izan ere, Bortzirial aldean Beraren eta Lesakaren artean dagoen tirabiraren parekoa dute baztandarrek Malerrekakoekin. Donostiarrek bilbotarrekin duten bezala. Besta garaian, dena den, halako aurkakotasunak ez du lekurik, Elizondokoak Doneztebera joaten diren bezala, Malerrekakoak ere Elizondora joaten baitira parranda bila. Hauen eta aipatu besteen arteko liskarrak, finean, agerikoak baino ez baitira, herrien arteko harremanen gatzeta eta piperra. Jaiak denentzako direla, gainera, ez da ahaztu behar.

11:30etan ere, arrantza lehiaketa antolatuta dute elizondoaarrek 12 urte bitarteko neska-mutilentzat. Arrainak harrapatu bai, baina ezin izanen dituzte hil. Lehiaketa Txokotoko zubian izanen da, 13:30ak arte. Tarte horretan arrain gehien harrapatzen duena izanen da lehiaketako irabazlea.

Ekitaldi lasaiagoak nahiago dituztenek Foruen plazan izanen



Erraldoiak, buruhandiak, txistulariak, gaiteroak, kirolak eta beste ikuskizun ugari izango da gaur Elizondokoan. Atzo animazioarik ez zen falta izan.

ANDER GILLENEA



Egitaraua

9:00etan: Argi soinuak txistulari eta gaiteroekin.

11:00etan: Erraldoiak eta buruhandiak ibiliko dira herriko karriketan: Herriko Etxea, Paularena enparantza, Santiago, Berekoetxea, Aita Donostia, Diputazio etorbidea, Akulegi, Santiago eta Herriko Etxea.

11:30etan: Elizondoko Errebote plazan Baztan eta Malerreka taldeen arteko partidua.

11:30etan: Arrantza lehiaketa, arraina hil gabe, 12 urte bitarteko neska-mutilentzat. Txokotoko zubian izanen da ordu bata eta erdiak arte.

12:30etan: Foruen plazan Baztan Musika Eskolaren akordeoi kontzertua Iparragirre jaunak zuzendurik.

14:00etan: Zikiri jatea Ikastolako parkean.

17:00etan: Elizako lorategietan Zirko Ttipia taldearen emanaldia.

18:30etan: Baztan pilotalekuan eskuzko pilota partidua.

19:00etan: Dantzaldia Foruen plazan Drakkar taldearekin.

20:00etan: Dantzak Foruen plazan; Ziga Margolariaren plazan akituko dira kalejiran.

21:00etan: Mutildantzak Foruen plazan.

23:30etan: Dantzaldia Foruen plazan Drakkar taldearen eskutik.

dute bilgune 12:30etan. Ordu horretan, hain zuzen, Iparragirre jaunaren zuzendaritzapean, kontzertua eskainiko dute Baztan Musika Eskolako akordeoi joleek. Eta goizeko ekitaldiei akabera emateko, arratsaldeko 14:00etan jada, zikiri jatea izanen da Ikastolako parkean. Balkoi apainduen lehiaketan parte hartu duten herritarrek jakin dezatela lehiaketa honen irabazlearen izena zikiri jatearen ondoren ezagutaraziko dutela antolatzaileek, baita dagokion saria banatu ere.

* Arratsaldean ekitaldi antz

Arratsaldean ere izanen da zer ikusi eta zer egin Elizondoko bazterretan. 17:00etan, adibidez, Zirko Ttipia konpainiak bere ikuskizuna aurkeztuko du elizondoaarren aurrean, Munduko malabaristenak izenekoa, hain zuzen. Ondoren, arratsaldeko 18:30etan eskuzko pilota partidua ikusteko aukera izanen dute kirol honen zaleek Baztan pilotalekuan.

Dantzatzeko parada ere izanen da gaur Elizondoko Foruen plazan. Drakkar taldeak alaituko du gaur giroa, arratsaldeko 20:00etatik aurrera. 21:00etan, hala ere, atsedendia egingen dute, egunero bezala, elizondoaarrek mutildantzak dantza ditza-ten. Gaueko 23:30etan ekingen dio lanari berriro ere Drakkar taldeak, goizaldera bitartean.

EDURNE ELIZONDO

ALBAITARITZA S.A.

Aita Donostia, 7 - 31700 ELIZONDO
Tel.: 45 21 11 - Faxa: 58 09 80
(Nafarroa)

Bi Ahizpak, 2 - 31860 IRURTZUN
Tel.: 50 03 43
(Nafarroa)

ARROPA eta OPARI DENDA



Tende gaztiarentzat
arropa aproposa:
soinukoak, bakeroak,
kamisetak

Fantxi-ke, Baztandar guztiok
besta ederrak opa dizkizue!

embutidos ESORTE

Braulio Iriarte, 32

Tel.: 58 01 14

ELIZONDO (Nafarroa)